

S T A T U T I
I
SHOQËRISË ME PERGJEGJESI TE KUFIZUAR
“NESIMI STEEL”sh.p.k.

KAPITULLI - I

DISPOZITA TË PËRGJITHSHME

Neni 1

Emërtimi

1.1 Emërtimi i shoqërisë është **“NESIMI STEEL”sh.p.k.** Ky emërtim është i vetmi i shoqërisë dhe përdoret në të gjithë rregjistrimet, transaksionet, marrveshjet dhe komunikimet e saj me të tretët apo shtetin dhe është i vlefshëm si jashtë dhe brenda vendit.

1.2 Shoqëria **“NESIMI STEEL”sh.p.k.** është shoqëri me përgjegjesi te kufizuar.

1.3 Shoqëria ka vulën e saj identifikuese, në formë të rrumbullakët në të cilën është shkruar *“Republika e Shqipërisë, “NESIMI STEEL”sh.p.k.*

Tel 0684386352, email nesimisteel@gmail.com

1.4 Vula e shoqërisë mund të ndryshojë vetëm me vendimin e asamblese së përgjithshme.

Neni 2

Ortakët

2.1 Është ortakë i shoqërisë në kushtet dhe me të dhënat e mëposhtme:

1. Z. Baudin Nesimi me shtetesi dhe kombesi shqiptare i cili zotëron 100 % të kuotave të shoqërisë, i biri i Xhaferit i datëlindjes 19.11.1977, lindur në Diber. dhe me banim në Tiranë, Shqipëri, identifikuar me anë të kartes se identitetit me nr. H71119053M.

Neni 3

Objekti i shoqërisë

3.1 Objekti i shoqërisë në përputhje me legjislacionin aktual tregtar shqiptar do të jetë:

- Konstruksione metalike në të gjithë Shqipërinë, Ndërtime objektesh të larta me konstruksion metal.
- Punime dheu, sisteme, tarracime terrenesh-ndërtim rruge,
- Ndërtim vepra arti rrugore dhe hekurudhore. Ndërtim ujësjellesa e kanalizime.Ndërtim vepra kullimi ujitje toke e impiante vaditese.Punime mbrojtje dhe sistemimi hidraulike.
- Rikonstruksione godina civile e ekonomike,
- Transport mallrash dhe udhëtarësh për vete .

➤ Ndërtim ndërtesash të ndryshme etj.

3.2 Përshkrimi i objektit të shoqërisë ka natyrë indikuese dhe jo kufizuese. Për realizimin e qëllimit të saj shoqëria mund të bashkëpunojë me çdo person fizik apo juridik në çdo mënyrë që e gjykon të dobishme.

3.3 Shoqëria në çdo kohë mund të ripërcaktojë objektin e saj, ta shtojë apo pakësojë atë, me vendim të Asamblesë së Përgjithshme të saj.

Neni 4

Selia e shoqërisë dhe Zyrat e përfaqesimit

4.1 Selia e shoqërisë është në "Rruga Egnatia, nr.pasurie 1156\45 dhe nr 1156\40, zona kadastrale 2105 ", Tirane, Shqipëri.

4.2 Veprimtaria e shoqërisë në tërë territorin e Republikës së Shqipërisë kryhet nga degët e saj, të cilat funksionojnë në rrethe apo ndarje të tjera administrative të Republikës së Shqipërisë nën drejtimin e Drejtorisë.

4.3 Shoqëria mund të çele degë dhe zyra përfaqesimi të reja jashtë territorit të Republikës së Shqipërisë. Ato hapen dhe prishen me vendim të të Asamblesë së Përgjithshme të saj.

4.4 Asambleja e Përgjithshme mbikëqyrë zbatimin e politikave tregtare të administratoreve të shoqërisë, organizon punën, përcakton mënyrën e funksionimit dhe emëron organet drejtuese dhe përfaqësuesit e tyre ligjor.

Neni 5

Kohëzgjatja e shoqërisë

5.1 Kohëzgjatja e shoqërisë me përgjegjësi të kufizuar, **"NESIMI STEEL" sh.p.k** është pa afat dhe fillon në momentin e regjistrimit të ndryshimeve statutores të shoqërisë në Qendrën Kombëtare të Regjistrimit.

5.2 Ky afat mund të ndryshohet në çdo kohë me vendim të Asmblesë së Përgjithshme të Ortakëve me të njëjtin quorum që përcakton ligji tregtar për ndryshimin e statutit.

5.3. Shoqëria mund të prishet gjyqësisht përpara këtij afati në rastet kur humbet kuptimi moral dhe ligjor i egzistencës së saj apo kur parashikohet shprehimisht në ligj, nëpërmjet kërkesës së çdo aksioneri drejtuar gjykatës.

KAPITULLI - II

KAPITALI, KUOTAT DHE KALIMI I KUOTAVE

Neni 6

Kapitali

6.1. Kapitali aksionar i shoqërisë është 100,000 (njqind mije) lekë dhe përbëhet nga 1 kuotë.

6.2. Pronësia mbi kapitalin e shoqërisë është si më poshtë:

➤ Kapitali i shoqërisë i përbëre nga 1 kuotë, zotërohet nga ortaku Z. Baudin Nesimi, i cili zoteron 1 kuotë me vlerë 100,000 (njqind mije) lekë dhe që përfaqëson 100% të vlerës së kontributit.

Neni 7

Depozitimi i kapitalit

Kapitali i shoqërisë është shlyer plotësisht nga ortakut në përpjestim me pjesët takuese në kapital.

Neni 8

Ndryshimi i kapitalit

8.1. Kapitali i shoqërisë mund të zmadhohet apo të zvoglohet vetëm me vendim të Ortakut të Vetëm, deri sa shoqëria të jetë një ortakësh, si dhe me Vendim të Asamblesë së Përgjithshme kur shoqëria është me shumë se një ortak. Në çdo rast, ndryshimi i kapitalit të shoqërisë duhet të jetë i arsyetuar dhe i shoqëruar me relacionin e Ekspertit Kontabël të shoqërisë.

8.2. Ortaku ka të drejtën e përparësisë për nënshkrimin e kuotave të shlyeshme në para që emetohen për zmadhimin e kapitalit. Kjo e drejtë është në përpjestim me shumën e kuotave të zotëruara nga ortakut përpara zmadhimit të kapitalit.

8.3. Ortaku mund të heqë dorë vetëm individualisht nga e drejta për nënshkrimin e kuotave të reja. Ai, gjithashtu, ka të drejtë të kërkojë nënshkrimin e një numri më të vogël kuotash nga sa i takon sipas parimit të përpjestueshmërisë, por me kusht që Asambleja të ketë vendosur shprehimisht për këtë gjë.

8.4. Procedurat për ndryshimin e kapitalit të shoqërisë duhet të fillojnë brenda tre muajsh nga dita e marrjes së vendimit sipas rastit, të Ortakut të vetëm si dhe të Asamblesë së Përgjithshme, përndryshe janë të pavlefshme.

8.5. Brenda 3 vjetësh nga dita e kryerjes së ndryshimeve duhet të regjistrohet vendimi pranë Qendrës Kombëtare të Regjistrimit.

Neni 9

Mënyrat e shtimit të kapitalit

9.1. Shtimi i kapitalit të shoqërisë bëhet në një nga mënyrat e mëposhtme:

a) me emetimin e kuotave të reja, duke shtuar numrin e kuotave që përbëjnë kapitalin të shoqërisë pa ndryshuar vlerën nominale të kuotes.

b) me rritjen e vlerës nominale të çdo kuote pa ndryshuar numrin e përgjithshëm të tyre.

9.2. Kompetente për caktimin e mënyrës së shtimit të kapitalit është, Vendimi i ortakut të vetë, ose Asambleja e Përgjithshme, pasi merr në shqyrtim relacionin e Ekspertit Kontabël të Regjistruar.

9.3. Kuotat e reja shlyhen me para në dorë, me kompesim të një kredie të kërkueshme të shprehur në para, me përfshirje të rezervave, fitimeve apo primeve, apo me kontribut në natyrë.

9.4. Ortaku i cili shlyen kuotat e reja në një formë tjetër nga shlyerja me para në dorë, duhet ta japë miratimin e tij me shkrim.

9.5. Zmadhimi i kapitalit nëpërmjet rritjes së vlerës nominale të kuotave bëhet vetëm me pëlqimin unanimit të ortakëve.

Neni 10

Mënyrat e fitimit dhe kalimit të kuotave

10.1. Kuotat e kapitali te shoqerise dhe te drejtat qe rrjedhin prej tyre mund te fitohen apo kalohen neprnjet:

a)kontributit ne kapitalin e shoqerise,

b)shitblerjes,

c)trashegimise,

d)dhurimit,

e)cdo menyre tjeter te parashikuar ne ligj.

10.2. Ne rastin e kalimit te kuotave me kontrate, kontrata duhet te behet me shkrim.

10.3.Kalimi i kuotave behet me miratimin e asamblese se pergjithshme te ortakeve, me te drejten e parablerjes ne favor te shoqerise, apo te ortakeve te tjere.

Neni 11

Pasojat e kalimit te kuotave

11.1.Personi qe kalon kuoten dhe ai qe e fiton ate pergjigjen ne menyre solidare ndaj shoqerise per detyrimet qe rrjedhin nga zotërimi i kuotes, nga casti i kalimit te kuotave, deri ne castin e regjistrimit te kalimit sipas kërkesave te te përcaktuara ne piken 11.2. te këtij neni.

11.2.Shoqeria regjistron kalimin e kuotes sipas kërkesave te ligjit te Qendres Kombetare te Regjistrimit.

Neni 12

Te drejtat e lidhura me kuotat

12.1 Ortaku, qe pengohet te ushtroje te drejtat qe rrjedhin nga zotërimi i kuotes se shoqerise, ka te drejte t'i kerkoje gjykates te urdheroje ndalimin e cenimit apo shpërblimin e demit te shkaktuar.

Kjo e drejte parashkruhet brenda 3 vjeteve nga casti i cenimit.

KAPITULLI III – ORGANET E SHOQËRISË ASAMBLEJA E PERGJITHSHME

Neni 13

Te drejtat dhe detyrimet

13.1. Asambleja e Pergjithshme është pergjegjese per marrjen e vendimeve per shoqërinë për çështjet e mëposhtme:

a) përcaktimin e politikave tregtare te shoqerise;

b) ndryshimin e statutit;

c) emërimin e shkarkimin e administratoreve;

d) emerimin e shkarkimin e likuiduesve dhe te eksperteve kontabël te regjistruar;

- dh) përcaktimin e shpërblimeve për personat e përmendur në shkronjat “c” dhe “d” të kësaj pike;
 - e) mbikëqyrjen e zbatimit të politikave tregtare nga administratoret, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
 - f) miratimin e pasqyrave financiare vjetore dhe të raporteve të ecurisë së veprimtarisë;
 - g) zmadhimin dhe zvogëlimin e kapitalit;
 - gj) pjesëtimin e kuotave dhe anulimin e tyre;
 - h) përfaqesimin e shoqërisë në gjykate dhe në procedimet e tjera ndaj administratoreve;
 - i) riorganizimin dhe prishjen e shoqërisë;
 - j) miratimin e rregullave procedurale të mbledhjeve të asamblese;
 - k) çeshtje të parashikuara nga ligji dhe ky statut.
- 13.2. Asambleja e Përgjithshme merr vendime për çeshtjet e përcaktuara në shkronjen “f” dhe “g” të pikës 1 të këtij neni, pas marrjes dhe shqyrtimit të dokumentave përkatëse.
- 13.3. Kur shoqëria është me një ortak, të drejtat dhe detyrimet e asamblese së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në regjistrin e vendimeve. Do të regjistrohen në veçanti, por pa u kufizuar në to, vendimet për:
- a) miratimin e pasqyrave financiare vjetore dhe të raporteve të ecurisë së veprimtarisë;
 - b) shpërndarjen e fitimeve vjetore dhe mbulimin e humbjeve;
 - c) investime;
 - d) vendimet për riorganizimin dhe prishjen e shoqërisë.

Neni 14

Mbledhja e asamblese së përgjithshme

14.1. Asambleja e Përgjithshme mbledhet në rastet e përcaktuara nga ky ligj, nga ligje të tjera ose nga depozitat e përcaktuara në këtë statut dhe sa herë që mbledhja është e nevojshme për të mbrojtur interesat e shoqërisë. Mbledhja e zakonshme e asamblese së përgjithshme thirret të paktën një herë në vit.

14.2. Asambleja e Përgjithshme thirret nga administratoret apo ortakët e përcaktuar sipas nenit 16 të këtij statuti.

14.3. Asambleja e Përgjithshme thirret kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 përqind të asetëve të shoqërisë, që rezultojnë në pasqyrat e fundit financiare të certifikuara.

Neni 15

Mënyra e Thirrjes

15.1. Asambleja e Përgjithshme thirret nëpërmjet një njoftimi me shkresë ose, nëse parashikohet nga ky statut, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t’u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblese.

15.2. Kur asambleja e përgjithshme nuk thirret sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakort, për të marrë vendime, pavarësisht parregullsive.

Neni 16

Kërkesa nga ortakët e pakicës

16.1.Ortakët që përfaqësojnë të paktën 5 për qind të totalit të votave në asamblenë e përgjithshme të shoqërisë, mund t'i drejtojnë administratorëve një kërkesë me shkrim, përfshi postën elektronike, për të thirrur asamblenë e përgjithshme dhe/ose përfshirjen e ceshtjeve të posaçme në rendin e ditës.Kërkesa duhet të përmbajë arsyet, objektivat dhe ceshtjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë të thërrasin asamblenë dhe të caktojnë ceshtjet e rendit të ditës, duke bërë njoftimin me shkresë ku duhet të përmbajë vendin, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parshikuar për mbledhjen e asamblese.

16.2.Nëse, në kundërshtim me pikën 16.1 të këtij neni, asambleja e përgjithshme nuk thirret, ose ceshtja e kërkuar prej këtyre nuk futet në rendin e ditës, secili prej ortakëve, që kanë bërë kërkesën, kanë të drejtë:

a) të ngrejne padi në gjykatë, për të deklaruar shkeljen e detyrimit të besnikërisë, nëse administratorët nuk përmbushin kërkesat e ortakëve brenda 15 ditëve;

b) t'i kërkojë shoqërisë blerjen e kuotave, të zotëruara prej tyre.

16.3.Në rastet kur rendi i ditës ndryshohet, sipas parashikimeve të pikave 16.1. e 16.2 të këtij neni dhe thirrja i është njoftuar ortakëve, administratorët njoftojnë perseri rendin e ditës, të ndryshuar duke bërë njoftimin me shkresë ku duhet të përmbajë vendin, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parshikuar për mbledhjen e asamblese.

16.4.Përfaqësuesi i autorizuar është i detyruar të deklarojë çdo fakt apo rrethanë, të tilla që sipas gjykimit të ortakut të përfaqësuar, rrezikon të ndikojë në vendimmarrjen e përfaqësuesit për interesat e tjera të ndryshëm nga ata të ortakut të përfaqësuar.

Neni 17

Përfaqësimi në asamble

17.1.Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë.

17.2.Administratorët e shoqërisë nuk mund të veprojnë si përfaqësues të ortakëve në asamblenë e përgjithshme.

17.3.Autorizimi mund të jepet vetëm për një mbledhje të asamblese së përgjithshme, e cila përfshin edhe mbledhjet vijuese me të njëjtin rend dite.

Neni 18

Kuorumi

18.1 Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30 për qind të kuotave. Në rastin kur asambleja e përgjithshme duhet të vendosë për ceshtje, të cilat kërkojnë shumicë të kualifikuar sipas nenit 19 të këtij statuti, ajo mund të marrë vendime të vlefshme vetëm nëse ortakët zotërojnë më shumë se gjysmën e numrit total të votave janë të pranishëm personalisht, votojnë me shkresë, apo mjete elektronike.

18.2. Nëse asambleja e përgjithshme nuk mund të mbledhet për shkak të mungesës së kuorumit të përmendur në pikën 1 të këtij neni, asambleja mbledhet për herë të parë jo më vonë se 30 ditë, me të njëjtin rend dite.

Neni 19

Marrja e Vendimeve

19.1. Asambleja e përgjithshme vendos me tri të katërtat e votave të ortakeve pjesëmarrës, siç përcaktohet në pikën 1 të nenit 15, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Ortakët kanë të drejtë të ushtrojnë të gjitha të drejtat që kanë në shoqëri sipas ligjit dhe Statutit personalisht apo nëpërmjet përfaqësuesve të tyre.

19.2. Kur përfaqësimi është i përcaktuar në statut ai është i vlefshëm në vazhdimësi dhe mund të ndryshohet në të njëjtat kushte të kërkuara për ndryshimin e Statutit. Ndryshimi i përfaqësimit statutor duhet të depozitohet në Regjistrin Tregtar për efekt vlefshmërie.

Neni 20

E drejta e votës

20.1. Çdo kuote i jep zotëruesit të tij të drejtën e një vote. Ortakët shprehin me votën e tyre vetëm një qëndrim për të gjithë kuotat që zotërojnë. Totali i kuotave që zotëron një ortak nuk mund të ndahet për efekt votimi në pjesë.

20.2. Ortaket që nuk janë të pranishëm, ju parashikohet mundësia e pjesëmarrjes në mbledhje të asamblese së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakeve.

20.3. Ortaket kanë të drejtë të marrin unanimisht çdo vendim, me kusht që kjo marrëveshje të bëhet me shkrim.

Neni 21

Perjashtimi nga e drejta e votës

21.1. Ortaku nuk mund të ushtrojë të drejtën e votës nëse asambleja e përgjithshme merr vendim për:

- a) vlerësimin e veprimtarisë së tij;
- b) shuarjen e ndonjë detyrimi në ngarkim të tij;
- c) ngritjen e një padi ndaj tij nga shoqëria;
- d) dhënien ose jo të përfitimeve të reja.

21.2. Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe ortaku, të cilin përfaqëson.

Neni 22

Procesverbalet e mbledhjes se asamblesë

- 22.1. te gjitha vendimet e asamblese se përgjithshme duhet te regjistrohen ne procesverbal. Administratoret pergjigjen per ruajtjen e kopjove te procesverbaleve te asamblese se përgjithshme.
- 22.2. procesverbali duhet te permbaje daten e vendin e mbledhjes, rendin e dites, emrin e kryetarit e te mbajtësit te procesverbalit, rezultatet e votimit.
- 22.3. Procesverbalit i bashkelidhet edhe lista e pjesemarresve, si edhe akti i thirrjes se asamblese se përgjithshme.
- 22.4. Procesverbali i mbledhjes nënshkruhet nga kryetari dhe nga mbajtësi i procesverbalit.
- 22.5. Nese shoqëria ka publikuar nje faqe ne internet, administratoret, jo me vone se 15 dite nga data e mbledhjes, jane te detyruar te publikojne kopjo te procesverbalit te mbledhjes se asamblese se përgjithshme ne kete faqe.

Neni 23

Hetime të posaçme

- 23.1. Asambleja e përgjithshme mund te vendose nisjen e nje hetimi te posacem per parregullsitet pergjate veprimeve te ushtrimit te veprimtarise tregtare. Hetimi kryhet nga nje ekspert i pavarur i fushes.
- 23.2. Ortaket qe perfaqesojne te pakten 5 perqind te totalit te votave te asamblese se shoqerise, mund ti kerkoje asamblese se përgjithshme emërimin e nje eksperti te pavarur te fushes, kur ka dyshime te bazuara per shkelje te ligjit ose te statutit. Ortaket ose kreditorët e shoqerise te përcaktuar me siper, brenda 30 diteve pas refuzimit nga asambleja per emërimin e ekspertit te pavarur, mund ti kerkojne gjykates emërimin e këtij eksperti. Nese asambleja e përgjithshme nuk merr vendim brenda 60 diteve nga data e paraqitjes se kerkeses, kërkesa e ortakeve vlerësohet e refuzuar.
- 23.3 Kur asambleja e përgjithshme ka emruar nje ekspert te fushes per kryerjen e hetimit te posacem dhe kur per kete emrim ka dyshime te bazuara per te besuar se eksperti mund te mos realizoje hetimin e posacem ne menyren e duhur, ortaket ose kreditorët e përmendur ne pikën 23.2 te këtij neni mund ti kerkojne gjykates zevendesimin e tij.
- 23.4. kur gjykata pranon kërkesat e përmendura ne pikat 23.2 e 23.3 te këtij neni, shoqëria tregtare përballon kostot e emerimit dhe te shpërblimit te ekspertit te emeruar per kryerjen e hetimit te posacem.
- 23.5. E drejta per te kërkuar hetim te posacem, sipas pikave 23.1 e 23.2 te këtij neni, duhet te ushtrohet brenda 3 vjeteve nga data e veprimit, qe konsiderohet i parregullt, kur hetimi ka si objekt parregullsitet e ushtrimit te veprimtarise tregtare.
- 23.6. Kreditori, qe ne keqbesim paraqet nje kerkese, sipas pikes 23.2 te këtij neni, pergjigjet ne përputhje me nenin 34 te Kodit te Procedures Civile.

Neni 24

Shfuqizimi i vendimeve të parregullta dhe dëmshpërblimi

24.1. Asambleja e përgjithshme ka te drejte ti kerkoje gjykates perkatese shfuqizimin e vendimeve te administratoreve, kur keto perbejne shkelje te rende te ligjit ose statutit.

24.2. Ortaket, te cilet perfaqesojne te pakten 5 perqind te totalit te votave ne asamblene e shoqerise, apo secili prej kreditoreve te shoqerise mund ti kerkojne asamblese se përgjithshme ngritjen e padise si me siper. Ortaket e shoqerise se përcaktuar me siper, brenda 30 diteve pas refuzimit nga asambleja per ngritjen e padise, kane te drejte te ngrene padi drejtperdrejte përpara gjykates kompetente per shfuqizimin e vendimti te administratoreve. Nese asambleja nuk merr vendim brenda 60 diteve nga data e kerkeses, kërkesa e ortakeve apo kreditorev vlerësohet e refuzuar.

24.3. Ne rastet kur shoqëria ngre padi si me siper, ajo merr pjese ne gjykim me ane te nje perfaqesuesi te posacem, te caktuar nga asambleja e përgjithshme.

24.4. Ortaket e përmendur ne piken 24.2 te këtij neni mund ti kerkojne gjykates zevendesimine perfaqesuesit te posacem, kur ka dyshime te bazuara se perfaqesuesi i emeruar nga asambleja e përgjithshme mund te mos ngreje e ndjeke padine ne interesin me te mire te shoqerise. Nese gjykata e pranon kete kerkese, kostot e emerimit dhe te shpërblimit te perfaqesuesit përballohen nga shoqëria.

24.5. Gjykata vendos shpalljen e pavlefshmerise se vendimeve te administratoreve, nese keta nuk merren vesh, me pajtim, me perfaqesuesin e posacem per korrigjimin e pasojave te vendimit, brenda 30 diteve nga data e emerimit te këtij perfaqesuesi. Te drejtat e paleve te treta mbeten te pacenuara, ne përputhje me piken 3 te nenit 12 te Ligjit nr. 9901, date 14.04.2008“Per tregtare e shoqerite tregtare”.

ADMINISTRATORET

Neni 25

Emerimi, shkarkimi, te drejtat dhe detyrimet

c) 25.1. Asambleja e përgjithshme emeron Z.Baudin Nesimi si administratore te shoqerise lindur në Diber. dhe me banim në Tiranë, Shqipëri, identifikuar me anë të kartes se identitetit me nr. H71119053M.

. Afati i emërimit, eshte 5 vjet, me te drejte ripërteritjeje. Emerimi i administratoreve prodhon efekte pas regjistrimit ne Qendren Kombetare te Regjistrimit.

25.2. Administratoret e nje shoqërie tregtare meme, sipas përcaktimit te nenit 207 te Ligjit nr. 9901, date 14.04.2008“Per tregtare e shoqerite tregtare”, nuk mund te emerohen si administratore te nje shoqërie te kontrolluar e anasjelltas.

25.3. Administratoret kane te drejte e detyrohen te:

- a) kryejne te gjitha veprimet e administrimit te veprimtarise tregtare te shoqerise, duke zbatuar politikat tregtare, te vendosura ne asamblene e përgjithshme;
- b) perfaqesojne shoqerine tregtare;
- c) kujdesen per mbajtjen e sakte e te rregullt te dokumentave dhe te librave kontabël te shoqerise;

- d) përgatisin dhe nënshkruajnë bilancin vejtör, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
 - e) krijojnë një sistem paralajmërimi në kohën e duhur për rrethanat, që kercenojnë mbarëvajtjen e veprimtarisë dhe ekzistencën e shoqërisë;
 - f) kryejnë regjistrimet dhe dergojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
 - g) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçante për veprimtarinë e shoqërisë tregtare;
 - gj) të lidh kontrata, e të kryej veprime të ndryshme bankare brenda limitit që i lejon Ortaku i vetëm ose Asambleja e përgjithshme;
 - h) kryejnë detyra të tjera të përcaktuara në ligj dhe në këtë statut;
 - i) të lidh kontratat e punës me të punësuarit në përputhje me dispozitat ligjore në fuqi.
- 25.4. Në rastet e parashikuara nga pikat 14.3 e nëniti 14 të këtij statuti, administratorët janë të detyruar të thërrasin asamblesë të përgjithshme.
- 25.5. Nëse asambleja e përgjithshme emeron me shumë se një administrator, ata e administrojnë bashkërisht shoqërinë.
- 25.6. Asambleja e përgjithshme mund të shkarkojë administratorin në çdo kohë me shumicë të zakonshme.

Neni 26

Përfaqësimi

- 26.1. Kufizimet e tagrave të përfaqësimit të administratorëve i kundërvihen paleve të treta, në përputhje me dispozitat e nëniti 12 të Ligjit nr. 9901, datë 14.04.2008 "Për tregtarë e shoqëritë tregtare".
- 26.2. Administratorët, që përfaqësojnë bashkërisht shoqërinë tregtare, mund të autorizojnë disa prej tyre për kryerjen e disa veprimeve të caktuara apo për kryerjen e disa kategorive të caktuara veprimesh. Njoftimet e drejtuara secilit prej administratorëve janë të vlefshme e detyruese për shoqërinë.
- 26.3. Tagrat e përfaqësimit të administratorëve dhe çdo ndryshim i tyre njoftohen për regjistrim pranë Qendrës Kombëtare të Regjistrimit.

Neni 27

Përgjegjësia e Administratorit

- 27.1. Administratori është i detyruar të ruajë sekretet e Shoqërisë për të cilat vihet në dijeni gjatë ushtrimit të detyrës.
- 27.2. Kur nga veprimet apo mosveprimet e tij në mospërputhje me ligjin apo me këtë Statut i shkaktohet një dëm material apo moral Shoqërisë, ai përgjigjet civilisht për dëmin e shkaktuar në mënyrë të pakufizuar.

Neni 28

Shpërblimi i Administratorit

28.1. Shpërblimit baze të administratoreve mund ti behen shtesa, që mund të jënë në përqindje në fitim ose të ngjashëm. Shpërblimet e administratoreve përcaktohen me vendim të zakonshëm të asamblese së përgjithshme.

28.2. Shpërblimi, sipas pikës 28.1 të këtij neni, duhet të jetë i pershtatshëm dhe në përputhje me detyrat e administratoreve dhe gjendjen financiare të shoqërisë.

28.3. Nëse shoqëria është në vështirësi financiare, asambleja e përgjithshme mund të vendosë reduktimin e shpërblimit të administratoreve në masë të përshtatshme.

28.4. Kriteret e shpërblimit, shpërblimi individual dhe efekti vjetor i shpërblimit të administratoreve në strukturën e kostove të shoqërisë tregtare publikohen së bashku me pasqyrat financiare vjetore.

Neni 29

Kontrolli financiar i Asamblesë

29.1. Administratori i paraqet organit vendim-marrës, si ortakut të vetëm ose Asamblesë së përgjithshme llogaritë vjetore dhe kur është rasti llogaritë e konsoliduara.

29.2. Ekspertët kontabël parqesin përpara organit vendim-marrës, ortakut të vetëm ose Asamblesë së përgjithshme kryerjen e detyrave të tyre të ngarkuara sipas ligjit.

29.3. Organi vendim-marrës, ortakut i vetëm ose Asambleja e përgjithshme shqyrton dhe vendos për të gjitha çështjet financiare të vitit të kaluar.

Neni 30

Përfaqësimi tek të tretët

30.1. Administratori përfaqëson shoqërinë në marrëdhëniet me të tretët.

30.2. Ankesat apo kërkesat që i drejtohen shoqërisë nga të tretët janë të vlefshme kur i komunikohen Administratorit.

30.3. Administratori mund të delegojë një apo disa kompetenca të tij tek anëtarët e administratës së shoqërisë.

Neni 31

Ndalimi i huadhënies

Administratoret ndalohen të kontraktojnë në cilëndo formë për të marrë hua nga shoqëria, të japin nëpërmjet saj paradhënie, si dhe të bëhen dorëzanës apo të garantojnë nëpërmjet saj detyrimet e të tretëve.

KAPITULLI IV - EKSPERTI KONTABËL, VITI FINANCIAR .

Neni 32 Ekspertët Kontabël

- 32.1. Shoqëria duhet të ketë të paktën një Ekspert Kontabël të përhershëm. Eksperti Kontabël caktohet me vendim të Asamblesë së Përgjithshme të shoqërisë dhe duhet të plotësojë kushtet e nevojshme ligjore për të qenë i tillë.
- 32.2. Ekspertët emërohen për një vit financiar. Funksionet e tyre përfundojnë pas mbledhjes së Asamblesë së përgjithshme, e cila merr vendim mbi pasqyrat financiare vjetore.
- 32.3. Çdo ortak ka të drejtë që në rastet kur shoqëria mbetet pa Ekspert Kontabël apo ligji kërkon emërimin e një eksperti tjetër dhe ky detyrim nuk është plotësuar nga Asambleja, t'i kërkojë gjyaktës caktimin e një Eksperti Kontabël të regjistruar në rrugë gjyqësore.
- 32.4. Eksperti apo Ekspertët Kontabël të shoqërisë thirren në mbledhjen e Drejtorisë e cila mbyll llogaritë e vitit financiar si dhe në të gjitha mbledhjet e Asamblesë së përgjithëshme.
- 32.5. Eksperti Kontabël i shoqërisë është i detyruar të ruajë sekretet për të cilat vihet në dijeni gjatë ushtrimit të profesionit dhe është përgjegjës për dëmet që i shkakton shoqërisë nga veprimet apo mosveprimet me faj të tij.

Neni 33 Detyrat e ekspertit kontabël

- 33.1. Eksperti kontabël i regjistruar garanton rregullshmërinë e pasqyrave financiare vjetore dhe të gjendjes financiare të shoqërisë, verifikon librat e llogarisë dhe fondet e shoqërisë, kontrollojnë përshtatjen e kontabilitetit me legjislacionin në fuqi dhe siguron që të jetë respektuar barazia midis ortakëve, si dhe çdo detyrë tjetër që rrjedh shprehimisht nga ligji tregtar shqiptar apo i ngarkohet me vendim të Asamblesë.
- 33.2. Eksperti ushtron kompetencat e tij dhe mban përgjegjësite që rrjedhin nga kryerja e detyrës në përputhje me dispozitat e këtij statuti dhe ligjit tregtar shqiptar.

Neni 34 Të drejtat e ekspertit

Eksperti përveç sa i njihet nga ligji për ushtrimin e detyrës ka të drejtë që:

- a) Në mbarim të afatit të funksioneve kur është propozuar shkarkimi i tij, të dëgjohet nga Mbledhja e Asamblesë së përgjithshme.
- b) Të marrë pjesë në mbledhjet e Drejtorisë e cila mbyll llogaritë e vitit të kaluar financiar
- c) Si rast përjashtimor, Eksperti Kontabël i përhershëm ka të drejtë që për çështje në të cilat është drejtpërdrejtë përgjegjës t'i kërkojë të thërrasë mbledhjen e Asamblesë. Se përgjithshme është i detyruar që brenda 10 ditëve të fillojë procedurat e thirrjes.

Neni 35

Shpërblimi i Ekspertëve Kontabël

Shpërblimi i Ekspertëve Kontabël caktohet nga Asambleja me bazë vjetore apo për çdo shërbim, parashikohet si shpenzim i veçantë dhe përballohet nga shoqëria.

Neni 36

Ushtrimi i vitit financiar

Ushtrimi financiar fillon më 1 janar dhe mbaron më 31 dhjetor të çdo viti. Përjashtimisht ushtrimi i parë financiar përfshin kohën nga data e regjistrimit në Qendrën Kombëtare të Regjistrimit gjer më 31 dhjetor.

Neni 37

Inventari dhe Pasqyrat Financiare Vjetore

37.1. Shoqëria do të mbajë një kontabilitet të rregullt të pasurisë dhe të veprimtarisë së saj, në pajtim me kërkesat ligjore.

37.2. Në mbyllje të ushtrimit, drejtori harton inventarin e pasurisë në këtë datë dhe pasqyrat financiare vjetore për ushtrimin financiar në përputhje me dispozitat ligjore në fuqi për kontabilitetin.

Neni 38

Raportet Vjetore

38.1. Në mbylljen e çdo viti financiar Drejtorja përveç inventareve dhe llogarive vjetore harton një raport me shkrim për Këshillin Mbikqyrës.

38.2. Bilancit i bashkëngjiten një situacion mbi garancitë e dhëna nga shoqëria dhe një situacion mbi sigurimet e bëra nga shoqëria.

38.3. Raporti pasqyron gjendjen e shoqërisë gjatë vitit financiar të kaluar, ndryshimet e parshikuara, veprimtaritë e rëndësishme, etj.

38.4. Një kopje e këtij raporti i jepet Ekspertit Kontabël për miratim.

Neni 39

Rezultatet e ushtrimit dhe caktimi i fitimeve

39.1. Rezultati i ushtrimit përcaktohet si diferencë ndërmjet të ardhurave dhe shpenzimeve të ushtrimit, duke përfshirë te këto të fundit amortizimet dhe provizionet.

39.2. Shuma e fitimeve të mbetura pas heqjeve për krijimin e rezervave përfaqëson dividendin, i cili mund të shpërndahet, ose do të kalojë për investim në shoqëri në formën e zmadhimit të kapitalit.

39.3. Duke përjashtuar rastin kur është vendosur zvogëlimi i kapitalit, nga fitimet e ushtrimit nuk behët asnjë heqje dhe asnjë derdhje dividendi, në qoftë se kapitalet e veta janë ose do të beheshin më të vogla se shuma e kapitalit themeltar plus shumën minimale të kërkuar për rezervën e domosdoshme.

39.4. Në qoftë se ekziston një humbje, kjo mbartet për t'u përfshirë në fitimet e ushtrimit të ardhshme deri në shuarjen e saj.

Neni 40

Rezerva e domosdoshme dhe e nevojshme

40.1. Nga fitimi i rezervuar gjatë vitit financiar pasi zbriten humbjet e vitit të mëparshëm, në rast se ka, hiqet mënjandë një shumë e barabartë me 1/20 e fitimit e destinuar për formimin e fondit rezervë të quajtur "rezervë e domosdoshme".

40.2. Heqja nga fitimet për rezervën e domosdoshme pushon së qeni e detyrueshme kur kjo rezervë arrin 1/10 e kapitalit themeltar. Ajo rifillon kur për një arsye çfarëdo, rezerva e domosdoshme ka zbritur nën 1/10 e kapitalit.

40.3. Nga fitimet e ushtrimit të pakësuar, shoqëria do të heqë jo më shumë se 85% për krijimin e rezervave për zhvillim apo të tjera rezerva të nevojshme .

Neni 41

Fitimi që shpërndahet

Koha, mënyra dhe shuma e fitimit që shpërndahen vendoset rast pas rasti nga Asambleja e Aksionerëve sipas raportit të Drejtimit dhe Ekspertit Kontabël në përputhje me këtë Statut, ligjin tregtar dhe gjendjen financiare të shoqërisë.

KAPITULLI V – PRISHJA E SHOQËRISE RISHJA E SHOQËRISE

Neni 42

Shkaqet e prishjes se shoqërisë

Shoqëria me përgjegjësi të kufizuar prishet:

- a) kur mbaron kohëzgjatja e parashikuar në themelimin e saj;
- b) me vendimin e asamblese se përgjithshme;
- c) me hapjen e procedurave të falimentit;
- d) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 03.05.2007 "Për Qendren Kombëtare të Regjistrimit";
- f) me vendim të gjykatës;
- g) për arsye të tjera të parashikuara në ligj.

Neni 43
Regjistrimi i shpërbërjes

Administratoret regjistrojnë prishjen e shoqërisë pranë Qendres Kombëtare të Regjistrimit, në përputhje me nenin 43 ligjit nr.9723, datë 03.05.2007 “Për Qendrën Kombëtare të Regjistrimit” ia njofton vendimin Qendres Kombëtare të Regjistrimeve për regjistrim”

Neni 44
Dispozita të fundit

- 44.1. Për të gjitha çështjet që nuk gjejnë rregullim në këtë Statut, aplikohen dispozitat e ligjit nr. 9901 dt. 14.04.2008 “Për tregtarët dhe shoqëritë tregtare”.
- 44.2. Për efekt të interpretimit të këtij Statuti me ligj tregtar nënkuptohet ligji nr. . 9901 dt. 14.04.2008 “Për tregtarët dhe shoqëritë tregtare”.
- 44.3. Pavlefshmeritë e dispozitave të veçanta të Statutit nuk çenojnë vlefshmërinë e tij.

Neni 45
Gjykata kompetente

Gjykata kompetente për zgjidhjen e të gjitha mosmarrveshjeve midis ortakëve dhe interpretimin e statutit të shoqërisë është Gjykata e Rrethit Gjyqësor Tiranë.

Neni 46
Shfuqizime

SKA

Neni 47
Hyrja në fuqi

Ky Statut hyn në fuqi dhe është i detyrueshëm për zbatim në momentin e firmosjes nga ortakët, sot më dt. 07.05.2024 .

Vula e shoqërisë mund të ndryshojë vetëm me vendimin e asamblese së ortakëve.

Hartuar në Tiranë, më 07.05.2024

Ne..... ekzemplar sa kërkon ligji

Nenshkrues

Baudin NESIMI

